

han. 14. *Qui diligit me manifestabo ei me-
ipsum.* O secretissimam, suavissimam,
& amabilissimam manifestationem in
cordibus nostris, comitatam coelesti
gaudio, solatio, sapientia, & cognitio-
ne! O veram Academiam, & unicam
certissimamq; Didacticam eruditionis
& Philosophiæ divinæ, tantopere à Sa-
lomone in Proverbijs & libro Sapien-
tiæ dilaudatā, nec alia methodo quam
Orationis comparandam. *Invocabi,* in-
quit Sap. 7. *Et venit mihi Spiritus sapien-
tiæ.* Unde concludimus, sine charitate
orationem veram non esse.

*Charitas
omnia à
Deo im-
petrat.*

CAPUT XXV.

QUIBUS SIGNIS ET INDICIIS
innotescat Dei charitatem esse
in homine.

1. Joan. 2. *Si quis diligit mundum
non est charitas patris in eo.*

PRimum signum charitatis Christi
in nobis est odium mundi. Quis-
quis enim Christi paupertatem &
omnium rerum terrenarum contem-
tum ad animum revocat, abesse non
potest quin illi⁹ charitate ac exemplo
inflammat⁹, similiter mundum & mun-
dana omnia una litura ex animo suo
deleat,

*Christus
sui ama-
toris u-
nicum
lucrum.*